

ՀԻՄԱ ԻՆՉ

Posted on September 15, 2015 by Keghart



Category: [Opinions](#)



[Հրայր Կարապետեան](#), Վիեննա, [ԱԱՀ](#), 15 Սեպտեմբեր 2015

«Հող պահանջեցինք, երբ հողային պահանջ կրնան ներկայացնել միայն պետութիւններ, իսկ հայրենի իշխանութիւնները արդէն քանիերորդ անգամ է կը յայտարարեն, թէ հողային պահանջներ չունին ոչ ոքէ»:

.....

«Ամէն կողմէ շրջափակուած, նոյնիսկ իր գոյութիւնը առանց մեծերու հովանաւորութեան պաշտպանել չկրցող երկիր մը ինչպէ՞ս կրնայ այդպիսի հաւակնութիւններ ունենալ:»

.....

«Միջազգային պայմանագիրները, որոնք կ'առնչուին հայկական հարցին, ի մասնաւորի արեւմտահայաստանին... արեւմտահայ ոչ մէջ պաշտօնական մարմին չէ ընդունած, իր հաւանութիւնը չէ տուած այդ համաձայնագիրներուն, այլ անոնք պարտադրուած են մեզի մեր կամքին հակառակ:»



Յատկանշական տարի մըն էր անկասկած այս անցնող տարին: Ամիսներ առաջ ազգովին եւ մեծ շուքով նշեցինք Մեծ Եղեռնի 100-րդ տարելիցը: Խորունկ երկիւղածութեանը յարգեցինք յիշատակը մեր բիւրաւոր նահատակներուն, որոնք ինկան որպէս մարդ-գազանի վայրագութեան գոհեր, դարձան աշխարհի նոր պատմութեան գիրքին յառաջաբան, որուն էջերը մինչեւ այսօր կը լրացուին մարդկային դաժանութիւնը պատկերող սահմուկեցուցիչ էջերով:

[Հրայր Կարապետեան](#), Վիեննա, [ԱԱՀ](#), 15 Սեպտեմբեր 2015

«Հող պահանջեցինք, երբ հողային պահանջ կրնան ներկայացնել միայն պետութիւններ, իսկ հայրենի իշխանութիւնները արդէն քանիերորդ անգամ է կը յայտարարեն, թէ հողային պահանջներ չունին ոչ ոքէ»:

.....

«Ամէն կողմէ շրջափակուած, նոյնիսկ իր գոյութիւնը առանց մեծերու հովանաւորութեան պաշտպանել չկրցող երկիր մը ինչպէ՞ս կրնայ այդպիսի հաւակնութիւններ ունենալ:»

.....

«Միջազգային պայմանագիրները, որոնք կ'առնչուին հայկական հարցին, ի մասնաւորի արեւմտահայաստանին... արեւմտահայ ոչ մէջ պաշտօնական մարմին

չԷ ընդունած, իր հաւանութիւնը չԷ տուած այդ համաձայնագիրներուն, այլ անոնք պարտադրուած են մեզի մեր կամքին հակառակ:»



Յատկանշական տարի մըն էր անկասկած այս անցնող տարին: Ամիսներ առաջ ազգովին եւ մեծ շուքով նշեցինք Մեծ Եղեռնի 100-րդ տարելիցը: Խորունկ երկիւղածութեամբ յարգեցինք յիշատակը մեր բիւրաւոր նահատակներուն, որոնք ինկան որպէս մարդ-գազանի վայրագութեան զոհեր, դարձան աշխարհի նոր պատմութեան գիրքին յառաջաբան, որուն էջերը մինչեւ այսօր կը լրացուին մարդկային դաժանութիւնը պատկերող սահմուկեցուցիչ էջերով:

Նշեցինք ցաւն ու մորմոքը մեր սիրտերուն մէջ՝ նշեցինք ինչպէս պատշաճ էր, նոյնիսկ բացառիկ ծրագրաւորումով ու կատարմամբ, որուն համար անկասկած բարձր պիտի գնահատել հայրենի իշխանութիւններուն, ինչպէս նաեւ հայ գաղթաշխարհի մեր մեծ ու փոքր կազմակերպութիւններուն տարած հետեւողական եւ գովելի աշխատանքը:

Այդ օրը, 24 Ապրիլին, համայն հայութեան հետ մեկտեղ մեծ թիւով օտարներ խոնարհեցան մարդկային գազանութեան զոհ գացած մեր միլիոնաւոր զոհերուն անյայտ գերեզմանները խորհրդանշող յուշակոթողներու առջեւ, ցաւակցական խօսքեր չինսայալով հայ ժողովուրդի կրած այդ մեծ ողբերգութեան, մեր պատմութեան ամենասեւ իրադարձութեան առթիւ:

Բայց կաց, ի՞նչ պատմութիւն:

Մեծ Եղեռնը պատմութիւն չէ բոլորովին: Ինչպէ՞ս կրնայ շարունակուող գործընթաց մը պատմութիւն կոչուիլ: Անցած հանգրուանի մը միայն պատմութիւն կ'ըսուի, իսկ Եղեռնը անցած հանգրուան չէ, ան մինչեւ այսօր ալ կը շարունակուի: Այդ բանը մենք գիտենք ազգովին, այդ վիճակը մենք կ'ապրինք ամէն օր, ամէն տեղ ուր հայ կայ, ուր ամէն քայլափոխի պարտի գլուխը խոնարհել ձուլման եւ ուժացումի եաթաղանին տակ: Գուցէ մահուան սպառնալիքէն սարսափած կրօնափոխ չդառնայ ինչպէս դեռ մինչեւ երէկ էր, այլ ազգափոխ դառնայ՝ անտեսուելու եւ արհամարհուելու վախէն սրդողած: Սակայն ի՞նչ տարբերութիւն:

Ինչպէ՞ս հասկցել օտարին, թէ այսօր եւս հայոց ցեղասպանութիւնը կը շարունակուի նոր ձեւեր ստացած, ահա հարիւր տարիէ ի վեր կը շարունակուի բնաջնջուիլ ամբողջ ազգ մը նորանոր միջոցներով՝ իր նախնիներու հայրենի հողէն երբեմն բռնութեամբ դուրս մղուելով, յաճախ զինք շրջապատող մարդոց վայրագ ատելութենէն խուսափելու պատճառաւ ինքզինք օտար ափեր նետելով, ուր աչքերը գետին յառած կը փորձէ ամօթով չմնալ օտարին առջեւ, որ թոյլ տուաւ իրեն իր ֆիզիքական գոյութիւնը պահպանել: Չխօսելով հայ ժողովուրդի պատմութեան կարծես ճակատագրականօրէն անբաժան մաս կազմող այն իրողութենէն, երբ քիչէն շատէն կազմաւորուած մեր գաղթածախները մեկը միւսին ետեւէն յօդս կը ցնդին տուեալ երկրին մէջ զինեալ բախումներու հետեւանքով, ուր առաջին զոհերը անշուշտ փոքրամասնութիւններն են: Երեւի անելորդ չէ նշել, թէ երկրագունդի վրայ ոչ մէկ ազգ այդքան կարիքը չէ զգացած իր գաղթաշխարհի պատմութիւնը գրել,

ինչքան մենք՝ հայերս, ան ալ քանի՛ քանի՛ հսկայածաւալ հատորներով:

Ինչքա՞ն դեռ հանդուրժելի է լսել օտարին մեղկ ու անտարբեր վերաբերմունքը մեր նկատմամբ, թէ «Ի՞նչ կայ որ, եթէ կուգեն տարին օր մըն ալ յիշատակը յարգել իրենց անցեալի զոհերուն, ի՞նչ վնասատկէ: Վերջիվերջոյ դեմոկրատական հասարակութիւններու մէջ մարդ ազատ է իր զգացումները արտայայտել, կարեւորը՝ յարգեն տուեալ երկրին օրէնքները»:

Սա անշուշտ լաւագոյն պարագային: Այլապէս...

Այլապէս ապրեցանք ու տեսանք նաեւ շատերու լկտի վերաբերմունքը մեր նկատմամբ:

Գուցէ կեղծն ու անկեղծը զատորոշելու համար արժէ գիտնալ, թէ ինչպէս կը մտածէ այս կամ այն օտարը մեր մասին, ո՞ր երկրի ղեկավարը անձնապէս թէ իր երկրի անունէն պաշտօնապէս կը ճանչնայ մեր ոբերգութեան ահաւորութիւնը, թէ ինչքա՞ն եւ ինչո՞ւ օտար երկիրներու պաշտօնական մարմիններ, հասարակութեան մաս կազմող անհատներ կամ կազմակերպութիւններ ինչքան տեղիս կը գտնեն մեր ցաւի պոռթկումը, հասկնալի կը գտնեն մեր անգոհունակ վիճակը նոյնիսկ մեզի հիւրընկալած ափերու վրայ: Կամ, ընդհակառակը՝ սառն անտարբերութեամբ մը կը նային պատմական անցեալի մը վրայ, որ ներկայ է տակաւին, չարտասանուած խօսքերով բնորոշելով՝ «սա խումբ մը մարդոց անգործնական ընթացքը, որոնք ամբողջ տարին կը տքնին, շարունակ կը ծրագրեն ու միջոցներ կը վատնեն Ապրիլին՝ եթէ չեմ սխալիր՝ 24-ին (քարուղարուհիս աւելի լաւ գիտէ), հաւաքոյթ մը, քայլարշաւ մը, բանախօսական երեկոյթ մը կամ քայլարշաւ մը կը կազմակերպելու համար», եւայլն:

Յետո՞յ, յետոյ մինչեւ յաջորդ տարուայ Ապրիլի 24-ը...:

Ժամանակը չէ՞ արդեօք քայլ պահելու նոր իրականութեան հետ, ջանք թափելու, որ 100 տարի առաջուայ Ապրիլի 24-ին կանգ չառնէ մեր պատմութիւնը, այլ շարունակուի օրէ օր, տարուէ տարի շարունակ: Մեծ իրատեսութիւն չէ նշել անշուշտ, թէ 24 Ապրիլին կը յաջորդէ ուրիշ օր մը, ուրիշ թուական մը, ապա յաջորդ ամիս մը, տարի մը, տասնամեակներ, սերունդներ կու գան ու կ'երթան, կու գան մեծ ակնկալութիւններով, կ'ապրին սպասումներով: Անարդար պիտի ըլլայ զանոնք սահմանափակել անցեալով, որ ճիշդ է, թէեւ շարունակուող ներկայ է տակաւին, սայկայն ալ աւելի ծանր է գալիք սերունդները զրկել յոյսի նշոյլէն:

Այո, անհրաժեշտ է զատորոշել կեղծն ու անկեղծը, բարեկամն ու ոչ բարեկամը, բայց արդե՞օք այդ բոլորը լուծում կը բերէ մեր դատին: Դեռ աւելին՝ այն ինչ ուզեցինք աշխարհէն, թէեւ դանդաղ ու ոչ ակնկալուած չափով, տրուեցաւ մեզի եւ տարուէ տարի կը լրացուի անընդհատ: Ուզեցինք աշխարհէն ցաւակցիլ մեզի հետ, չզլացաւ՝ նոյնիսկ եղան թուրքեր, որոնք ծաղիկներ գետեղեցին ցեղասպանութիւնը խորհրդանշող մեր յուշարձաններուն առջեւ: Ուզեցինք աշխարհէն պաշտօնապէս ճանչնալ հայոց ցեղասպանութիւնը որպէս պատմական փաստ, դարձեալ գտնուեցան շատեր, որոնք յայտնի ու անյայտ պատճառներով պաշտօնապէս հաստատեցին ցեղասպանութեան փաստը եւ օրը օրին անոնց թիւը կը բազմանայ:

Ուրի՞շ: Ուրիշ համարեա ոչինչ: Պահանջատիրութեան հարցը կարծես մոզական հարուածով մը

չքացաւ մեր բառարաններէն:

Այսինքն՝ պահանջեցինք բաներ, նոյնքան ցանկալի, նոյնքան անժխտելի ու անժամանցելի, սակայն այդ պահանջը դրուեցաւ ոչ անոնց կողմէ, որոնք իրաւասու են նման պահանջներ դնել մարդկութեան առջեւ: Զգիտակցեցանք, չուզեցինք մենք մեզի նեղութիւն տալ խորամուկ ըլլալու այսօրուայ աշխարհը ղեկավարող օրէնքներու տրամադրութեանց, ուր ամրագրուած են շատ մը իրաւական դրոյթներ, որոնցմով այսօր աշխարհը կը ղեկավարուի եւ որոնցմէ բացայայտօրէն չեն կրնար խուսափիլ նոյնիսկ ամենահզօր պետութիւններ ղեկավարող մարդիկ: Հող պահանջեցինք, երբ հողային պահանջ կրնան ներկայացնել միայն պետութիւններ, իսկ հայրենի իշխանութիւնները արդէն քանիտրոդ անգամ է կը յայտարարեն, թէ հողային պահանջներ չունին ոչ ոք: Պատճառները յայտնի են, հարկ չկայ աւելորդաբանութիւններու: Ամէն կողմէ շրջափակուած, նոյնիսկ իր գոյութիւնը առանց մեծերու հովանաւորութեան պաշտպանել չկրցող երկիր մը ինչպէ՞ս կրնայ այդպիսի հաւակնութիւններ ունենալ:

Շարունակել աջէն ձախէն պահանջներ դնել հայրենի իշխանութիւններուն առջեւ, բնական է, ոչ մէկ դրական արդիւնք կը բերէ գործին: Իսկ անհատներ կամ խմբաւորումներ, որոնք նման խոստումներով բեմ կը բարձրանան, ոչ միայն մագաչափ իսկ չեն փոխեր տխուր իրականութիւնը, այլեւ յուսահատութեան կը մատնեն իրենց ականջ դնող հանրութեան, ներկայ եւ մանաւանդ յաջորդող սերունդներուն, որոնք ահա աւելի քան հարիւր տարիէ ի վեր հիասթափութիւն հիասթափութեան ետեւէ կ'ապրին ու աւելի ենթակայ կը դառնան ուժացումի, իրենց ապրած ամենակոյ շրջապատին, ուր իրագործելի է միայն հնարաւորը:

Բայց անհնարը նաեւ կրնայ օր մը հնարաւոր դառնալ: Սակայն ամէն ինչ իր ժամանակին:

Իսկ ո՞րն է հնարաւորը...:

Բաւական է հայեացք մը նետել միջազգային օրէնքի տրամադրութեանց վրայ, նկատելու համար այն բոլոր հնարաւոր միջոցները, որոնց կրնայ հայութիւնը դիմել իր կրած կորուստները վերադարձնելու, պապենական հողին վրայ իր նախնիներու մշակութային արժէքներուն ծրագրաւորուած բնաջնջումը կասեցնելու ուղղութեամբ: Անհատական, համայնքային ունեցուածքի պահանջատէրը հայ անհատն է՝ արեւմտահայութիւնը, ուր ալ որ գտնուի, բռնագրաւուած հայրենիքի իւրաքանչիւր շրջանի հայրենակցական միութիւններն են, անոնք, որոնք իրենց բնակավայրերէն հեռացուած են բռնութեամբ, ոչ իրենց կամքով եւ միջազգային ոչ մէկ օրէնք կրնայ արդարացում տալ այդ վարմունքին:

Դեռ աւելին: Բոլոր այն միջազգային պայմանագիրները, որոնք այս կամ այն կերպ կ'առնչուին հայկական հարցին, ի մասնաւորի արեւմտահայաստանին, ճիշդ է թէ համաձայնագիրներ են պետութիւններու միջեւ եւ զանոնք վերատեսութեան ենթարկելու իրաւունքը պետութիւններու իրաւունքն է միայն, սակայն եւ այնպէս մենք պարտինք յիշել, թէ արեւմտահայ ոչ մէջ պաշտօնական մարմին չէ ընդունած, իր հաւանութիւնը չէ տուած այդ համաձայնագիրներուն, այլ անոնք պարտադրուած են մեզի մեր կամքին հակառակ: Այսինչ արեւմտահայութիւնը ճանչցուած եւ գրանցուած էր նոյնիքն Օսմանեան, ապա նաեւ Երիտթուրքերու ղեկավարած պետութեան կողմէ,

ճանչցուած էր որպէս անջատ միաւոր, ունէր իր սահմանադրութիւնն ու պաշտօնական
ներկայացուցիչները այդ պետութեան մօտ:

Սոյն յօդուածը հաւակնութիւն չունի եւ չի ալ կրնար ունենալ թուարկելու բոլոր այն հետապնդելի
հարցերը, որոնք կրնան որոշ դրական արդիւնքներ արձանագրել մեր արդար դատի իրագործման
ծիրէն ներս: Այն ինչ տեղ կը գտնէ այստեղ ընդհանուր դիտումներ են միայն, ոչ լրիւ ու ակարտուն, այլ
միմիայն համեստ մատնանշումներ, որոնք կրնան նոր մօտեցումի տրամադրութիւններ ստեղծել
հարցով շահագրգրուած հայրենակիցներու մօտ, գուցէ ելակետ մը հանդիսանալով նոր աչքով
նայելու մեր այսօրուայ իրականութեան վրայ: Մնացեալը, կուռ, ակարտուն ու գործնական
ծրագիրներ կազմելու աշխատանքը բնական է պետք է վստահիլ համապատասխան
մասնագետներու խնամքին:

**Հրայր Կարապետեան անդամ է [Արեւմտահայերու Ազգային Համագումարի \(ԱԱՀ\)](#)
կեդրոնական խորհուրդին եւ համաքարտուղարը Մարտ 20015- ին Փարիզի մէջ կայացած
4-րդ Համագումարին:**

